

仲蔚先生集

仲蔚先生集卷之二

吳郡程善定校

微郡程善定校

四言古詩

贈王元美

顯允王子實維國楨爰逮嘉招旅蹟王庭緝熙  
帝載時隆德聲如何泰往人悔斯形日虜肆逆  
阻衆憑陵軼我邊鄙王室震驚惟公司馬篤其  
忠貞乃奮其竒以挫脩鯨公崇其勛則莫與京

胡道斯嫉愆釁乃成舊勛莫紀以陷大刑誰云  
為善而不近名眷念之子祇攬余情衝風晨激  
淒露宵零孰是斯值承此弱莖進則無補退則  
曷營快恢紘網踈易嬰子之慎之母或于行  
人之相知靡軀不傾式瞻在昔我之未能躊躇  
中夜弗遑是寧亦既契闊百罹是并山川阻脩  
發言莫應義淪志沮尚思良朋我思大化疇測  
其冥福為禡基祠為福萌管氏釋囚齊政以興  
范睢拉脇卒相於歲億變相禪憂喜並根將子

何期示我好音好音伊何實慰我心安得與子  
携手喬林慨其弗獲引領長吟

送郡太守西蜀王公入覲

奕奕梁岷國自中葉乾象昭儲坤維掀拔苞絡  
資表鈎綿麗絕於赫惟公炳靈作哲嘉舉華世  
羽儀朝列譬彼環珉雖秘猶徹明明我后乃眷  
東鄙誕命於吳俾民是紀公既戾止是疆是理  
鎮俗以約倡物思軌廉而不劇溫而無澤丕式  
屬城寶蘭髦士吹萬如春飲汗如雨羣黎吮吮

豈曰饕餮道峻暉倡固收民譽蠖蟻之懸衆美  
自附藐余顛蒙恭承弘誘愛至求詳分隨契懋  
察侔貴賢恩充四耐玉卮無當徒慚虛覲量違  
時幹反質居常養痾丘園寄識古英委心所欽  
秉志精芳維公三朝乃覲于京最爾攷圖介爾  
珪璋遐我民瘼袞職是章曷不我留適端其行  
翔塗幽緬天門高翔睇彼遵渚瞻遲歸艤顯允  
惟公實惠我毗詠懷贊詞延佇泰康

雜言

滌滌穠宇極望蕩心興命同志越邁平林臨觴  
高臺流睇重深邯鄲新姬美氣蘭音清芬隨風  
當之難禁申酌無次狎坐遞侵玉體隨弛其樂  
沉沉

離合體 叢居全真

嶭彼巢父業遐而僻磽确伊處堯弗能即屈之  
以位出而遠匿苦節彌貞草萊終輯以水洗耳  
口惟緘默厄哉枯槁兀焉若失息茂無營心蹟  
雙寐冥契為徒宜匪恒匹

贈邵孟堅

瞻念之子生不逢辰形辱志沮遠竄孤征朝辭  
茂苑暮徂廣陵仇壘實多不遑自營瞻彼宛洛  
日惟帝京爰有君子國之幹楨子之昵之乃趨  
其庭亦既覲止出其險陞亦既三年言旋舊垆  
載馳載驅時靡有寧梁鴻變姓臣游匿名彥方  
避地矯慎迤形身卑義高固墜廢聲瞻念之子  
如何勿懲子之勗之慎尔攸行

仲蔚先生集卷之三

吳郡俞允文著

徽郡程善定校

五言古詩

感遇十首

昔聞柱下史超躋日室  
竭追隨五星精抱一握  
玄樞乘化閱衆甫出入  
窺有無寶書垂千齡光  
耀誕八區玉管貯丹藥  
青泥秘金壺飢渴至靈  
實于道若為拘苟非至  
人存誰為閔羣愚



齊仲巖先生集卷之十一  
朝飢固清真檀氣閱金室空色滋霧露松柏映  
虛帟岩橘垂青苞翠帶挂鷓鷃貧居日沉靜披  
覽終九術卓茲臺佟子乃得至精實

崆峒有靈瓜暑衍千歲期食之可長生素捐豈  
所宜餘安惜霜雪焉能久福茲婉孌驕榮子輜  
轡桃李蹊

上望北郭里松柏蔽川坻極目千里原駘蕩春  
雲滋因獸多窟步離禽多毀姿倚靡丘中賢慷  
慨內傷悲

西北地踔遠，僕急無馬富。少年多永懷，出入帶  
雙鞬。侯客馳千騎，城闐起烟霧。萬里入黃雲，浩  
日帳多趣。廣鷹忽騰虎，三恆時見聚。豈伊持重  
極，轉使桀黠回。懷哉李將軍，空山射兔兔。

高天何悠悠，萬古何清。清。清。清。復何有，誰為萬  
古情。日月经其中，寒暑盪其精。氣盡物亦化，焉  
能回鴻名。仰觀太始初，嘆息此羣生。

古有林類者，寂寞守靈宅。青春標荒蕞，寡居年  
已百千載。稱其人，豈不感至德。悠悠清天中，擾

援各有適

朝凌太清中遙願望三梁飛魚不可餌  
超世發竒方飄颻丹城關遊戲白玉房  
石渠滿青華碧藹越千常採服玄元氣  
養德奉神皇壽命安可極但恐彫三光

朝馳漳河間幕次勃碣陰結交非一兩  
鞍馬忽相臨剗客彌廣坐藏活復多門  
妖姬美清夜跼履揆鳴琴狹室延月光  
英音激霜鐔中多寡游士涕下不可禁

灌園秣畝首日夕延遠颺秩秩品物繁欣欣共  
榮凋擗擗漢陰老客客仲子操適已不在取乃  
不見吾勞暇豫事多愜沉冥理忽超臨觀波池  
靜彌悟星月高道真固如此曠然不可招

感懷六首

涼氣凜中夜華月散清藹遙遙睇脩旻惕焉感  
前誨智拙勸時終力瘁矜已急涉樂無恒豫在  
戚有餘慨遺念千載下身名豈相逮此已非吾  
有歲月焉足賴

猗歟上世士養空究當年曠視遺耳目虛遊萬  
物間高操無與儔誰為尚其賢是非還相蘊舉  
世咸共然伊人久云亡斯名竟誰傳

伯僑與陵陽念彼誠有之脩齡彌萬代恍惚還  
復來誰云非疇匹為是余所希一形會有盡胡  
事空獨馳百年豈云違安能與我期一逝俄景  
滅緼悔將焉施

生命固有常于世鮮能由天道諒微昧禰福不  
相讐運促無備齡吾行時安休高行令世踈寵

耀逢厚尤何不永自持飄飄升九州橫厲越飛  
泉與彼列仙儔豈放榮華子跬步相譏求

燁燁三秀芝煌煌冒九莖慶雲耀靈和日月垂  
光精韜景玉山阿含采麗曾城芬芳彌六合誰  
能掇其英思從沅湘游曠世垂令名

絕壑萬餘仞重陰翳曾岑仰視玄雲披俯聆神  
龍吟潛光不見已誰能證其音截竹為吹之與  
之相合并恨無知音賞空有越世心

讀貨殖傳七首

皓皓空宇中草木無餘榮  
淒淒屢空顛寒氣坐  
自盈念當老會至徒沒非  
所經古來言治生乃  
有蓋世稱如何不深察終  
歲寡所營持此良自  
憊清晨擁遙情

喧然古名都連亘彌八荒  
營營各異俗用竒取  
富強壹志唯專誠馳逐萬  
死塲高門羅鼎食驂  
服若飛翔意氣還相矜流  
目自生光豈知丘中  
士縵縷鬱蘭芳超遙遺榮  
利詎以身自傷

秦王滅六國六復誅雄才  
牟利彈錙銖遂起懷

清臺數世擅丹穴一朝名譽開尊顯隆萬乘熙  
熙競相猜豈不在立德貞姜徒草萊

刁間任奴虜車騎何洋洋結交盡權貴起富傾  
侯王掘塚事至姦曲林名亦章成業各有基彼  
獨處不減苟能懷仁義胡為厭糟糠茲事良已  
久今日復何傷

程卓起遭虜鼓鑄稱善籌驕侈擬人君射獵恣  
盤游孔氏在南陽交通徧諸侯靡容名公子權  
利靡不收豪華傾當年營欲殊未休但恐委朝



密中口齋蘇其

春鳩鳴原圃清朗扇冷風渚蒲抽新節園杏滋  
舊叢及時事東作聊以希歲功四體六已勤衣  
食恒弗克念此誠拙業秦陽遂稱雄人力苟可  
希庶幾殉薄躬

白日垂光景臨照開八區五民驚古智千里互  
相踰汎濫萬貨情悅仰若可趣勤思彌日夜計  
此非良圖宣尼有遺言貨殖焉足模不如守窮  
巷偃蹇滿整軀

詠史七首

廣野何軒軒，高計亦精一。說拒強楚，再說下  
齊城。曲周為漢相，隆貴由哲兄。奈何淮陰譎，袖  
發身見烹。時哉苟不會，他人傷我情。

伯陽適西關，魯連蹈東海。汎然寡歡愛，萬物莫  
能采。清芬盈天壤，旦暮若相待。馳念空至今，顏  
色日衰改。長恐奉命促，隨時黯光彩。

梁王昔好士，天下所慕馳。鄒生乃繫獄，悟主多  
悽詞。宮女三千人，一一妬蛾眉。高木自媒賊，斯

余仲蔚先生集卷之三

言良足悲

善賈能釣國千金委沙塵邯鄲獻名姬功立身  
亦尊福過不掩禍夷滅竟荒淫唯有懸金書乃  
獨留至今

煌煌褒衣子相然立端誠罄折趨利樞仇怨一  
朝生豈若上世世不為濡忍情慷慨無外交片  
言成死生至行侔大義竟死還藏名

賈生二十餘六籍頗所通少年遵勢路抗議凌  
諸公咄嗟令讒疏嚶嚶自傷冲白日迫頽景一

往豈再融冀願熙令名身沒垂無窮  
壯士不遊死勢凌萬乘若婉婉屈廉公曾不有  
其勳卑體存大計英聲被無垠哀哉食杞士斯  
言安足聞

遊仙十首

獨玩縱闊步度世越九州東行按蓬萊西嬉款  
浮丘雲氣入無間虹蜺丹青流日月奄忽馳俯  
仰成千秋直指帝者居樂我清都遊通仙參差  
來相与為匹儔要我絕冥外不可以久留

天地何長久人道一何迫超躡域中戀八表恣  
所適輕舉登青雲倏忽行萬億乘躡信絕徃安  
用生羽翼九陽為我燭六炁為我食空同為我  
廬太無為我宅與天長相保何懼歲月積

總轡金庭側改轍登閭風丹闕象三辰躡蹠青  
天中中有太虛士精意與天通摩弄日月珠乘  
颺汎瑤空羽蓋紛上屬烟駕靄溶溶嘯詠天曆  
篇妙說授韓眾一與若人遇年命不可窮

玄流吐飛瀨玉梁秀千尋五芝成宮闕綠樹為

黃金璇室清霞氣上道無外侵  
紫微與九華偃息玉山岑  
瓊葉麗紳阜琳腴暢靈襟  
精影儼雙桀高唱飛鸞音  
聆音眇難酬感我冥中心

秦世有盧敖尋仙昔未逢  
銳意造玄關自謂莫與同  
忽與若士遇冥真異姿容  
軒軒迎風儻靈變不可蹤  
一與盧敖言聳身入雲中  
汗漫九垓外遐怪顧莫從  
教心竊自鄙撫絕猶蛆蟲

矚眇八紘表振趾青崖巔  
服食事聖師通德妙三元  
道真非一宗冥轍無拘纏  
寤生食石腦但

仙烟間年光剪韭翁託體清冷抱一攝天  
真變化致靈仙一躍太空頻道要不可言

遠游崑崙山崑崙一何高崑崙排霄起會見百  
神朝肅肅上清駕真儀儼玄標五烟翼高蓋八  
風扇飛輶香嬰玳玉嬪蘭音吐金蕭備後各異  
色揚靈上招搖我願偕此侶謁帝同逍遙

吾愛王子喬不貴儲宮居吹笙作鳳鳴好道遠  
從師仙人浮丘公接上嵩高崖學之三十年忽  
欲還家辭相期緱山頰七月七日時翩翩御雲

鶴舉世願慕之儲宮豈不貴難以百年期  
冥真有高踪一往不復還心期妙玄素曠然絕  
鷲煩采藥歷三山尋仙度九門受傳餐霞秘蘊  
妙不得言會道存精微專氣固靈根金膏梁虛  
質乘光上飛翻神峙太清杪悠悠可處尊

眇眇赤松子飄飄隨風雨少女往追之冷然乃  
雙舉蕭史發精吹嬴氏相容與超遊登鳳臺一  
朝遂叅翥神感非有待冥期妙真侶蟬蛻遺垢  
紛飈輪誰能沮惶惶世上士卓哉此二女



擬古二首

和璧天下寶傷哉獨淪誤秦趙何絲絃相如達  
功祚呂尚考廢屠一朝曜天步傳忠何為者神  
感發宵寤苟其當遇時矣在殉馳驚如何驚華  
子悅巧從狹路蛾蚋赴蘭膏身死永不悟寥寥  
宇宙內萬代可齊度安得附六翮逍遙排氛霧  
俯仰窮四海豈肯戀細故

都邑聲利極赫赫飛炎烜能鄙還相寵傾側不  
及旋吹墮成薰灼玉石要俱捐迨遭操難固短

弱情易纏擬足無通途舉措懼厥愆飢寒迫窮  
著盡室寧高瞑殉義寧顧身為生誠獨艱事往  
真偽顯清埃播來賢

黃鵠吟

黃鵠翔赤霄傲睨將焉如形大反為累舉翮觸  
四隅鷦鷯又何微終歲守一區營營乃異任咸  
各肖其軀萬化相陶蒸種繁類亦殊安能遺形  
骸逍遙以遊娛

秋蘭吟

俞仲蔚先生集卷之八 卷之三 十一  
穠蘭被峻谷獨產含英竒采采自芬芳舉世無人知豈伊蕭菌雜曾不為此移與世既殊倫奈何久懷悲終然謝先伐虛名竟何為

桃源行

昔有武陵人捕魚谿水湄谿腹桃春溪沿洄遂忘疲所歷既已遠忽復值山岵初行路纔通豁然就平夷雲屋儼千家桑竹蔭陂池隨山起阡陌覽化測天時即事多古法歡歌自相追驚問所向從競引還其私云先避秦亂窮奔躋險穢

始得此絕境與世遂長辭具誥與已理所聞皆  
恍悲各復銷滴食數日方語離既出思故路念  
言當復來安知嶮巖轉竒蹟竟參差寥寥此中  
人千載空自知

出塞

擊胡無生還此已非不知謂當棄一人所活十  
萬餘中原有父母奮身靡敢私悠悠河陽橋生  
死從此辭

入塞

落日射丘甸照國西南門窮冬還鄉邑較瘵須  
眉疑下馬潛更衣駁犖箭鏃文妻孥盡下泣貫  
酒叙涼溫勞苦但盡歡即恐亂日生

閒居二首

玄陰謝洞巖青陽繁綿緜依依野田淨靄靄遠  
山複川禽無響澤蘭有餘馥朝雨鬱蒸霞精  
氣團叢竹閒居窮物變廣隰竟春月恬然愜真  
賞順道無營欲

壘壘運環周戚戚抱素心隨時感衆卉開芳及

陽林盛年之歡娛奄忽互頽侵豈無爵服玩固  
窮竊所任遙情緹高翔道勝微在今

秋懷二首

商飈扇天宇激志驚序換嘒嘒寒蛩鳴而無蟻  
蟻亂珍簞蔭浮涼薄雲鑑幽慢淒清戒露鶴唳  
暖催霜雁朗月翳高隅重昏詎能旦蘊結易云  
久拙薄嬰世患秉此耿介懷無徒取妖玩

窮陰歲功徂羣生各歸成化蚡無道耀浩浩  
露零靜蹕固殊智萬途還復并大道廣且夷誰

能揭其行適物自無可任意為令名彷彿至人  
心翱翔恣太清人事多委曲安用常苦辛

秋懷一首

涼風金石勁悲氣壯隆烈晶宇蕩眩濁輕脆競  
摧折松柏有殊性遂與衆卉別是時陽鳥至叫  
嘯霜中月力盡羽翼卑欲奮不得發何以表天  
骨沉吟猶未快

雜詩二首

霜蕪落秋鶻平澤游氣少鞭馬萬里原意輕干

金犒弓掛霹靂鳴箭作餓鷓鴣  
獸虎毛春草短牛乳馬酒爆山  
溪伏獸壯地拔天勢峭掾粟清  
臧人徒瘞精妙土銜野火燒布  
坐盟噓倒羗氏烏獸散輜重絕  
古道桓桓英雄人獵獵昏長影

其二

冬至羣物晦衰颯互相尋  
雨露為霜雪而乃見真心  
豪鷹搏空翔寒日抱隴沉  
蕭蕭長天色盡入西北  
陰烈士負奇骨多為時所侵  
曾不悟銷毀千載希知音



夏日園居三首

抱疾倏已久，彌感人跡誼。中夏稍歇蒸，聊復棲  
林園。赤鳥鳴始旦，雨氣冑中田。綠池散葭莢，鮮  
飈潤微涓。游日盡華滋，茲事已適然。佳辰信為  
美，偃仰有餘閒。

夏木盛繁陰，時鳥哢晨景。兀傲青林中，整與紛  
務屏。古人雖云遠，其事差若近。慰心良在茲，靜  
言莫余領。悠悠一世內，余駕將焉整。

步將循舊基，宿昔改平常。周垣已就窄，流潦溢

中堂扶踈喬林樹况此復摧傷孟夏無脩陰棲  
鳥失其方天運既遐漠何為獨彷徨

園居

窮居寡儔匹園廬有餘清落葉覆荒池踈林暎  
高城野田刈穫盡霜畦蔬復登寒月無窳影中  
夜露氣疑是時鷺煩息沉思方入冥沉冥乃道  
真一悟還自驚

雜詠

滅跡事冥樓憎脰送遠日原隰摘葺巖峰壘秀

蘇綠淙流受後谿急澗傾前瀆泉清彩虹見熾  
高白雲宿遇物聊獨歡胡為自結束澹乎壺舟  
意寧辭鄭生谷

甲子正月元日作

余年五十忽又過二天運邁邁不勝慨然  
與世相淡泊五十倏再益初陽肇妍景藹藹欣  
始覩朽株行當新余衰不復昔殷憂損志慮胡  
能自滿滌託慕向千載所媿道不克悠悠世上  
士常怨非余匹逝將離俗宜屏居在蓬室鄭生

何為者清芬播蠟石

題程汝義西野林園

程君家山中猶復儼鷲喧西行始百步彌覺野  
性存雜草壅階基列屋開林園複嶺相窅窳灌  
木自滋蕃疏石出清池記時溉花根徑紆初若  
絕谷轉恍及門昂此唯一區居然樓隱淪松烟  
寫綠字貝葉騰玄言助幽或鳴鳥感遠疑聞猿  
晴氣成白雲皎潔蕩明軒事勝忽懷往千里難  
并奔聊用托兼翰遙情何由教

命何蘇先生集卷之十一

七日大雪作

開歲多寒陰中夜轉淒冽遙遙澄曙輝空庭舞  
飛雪氣滋地尚黑薄質易淪滅積久乃始成  
躍然見竒望長林開芳耀羣鳥相啁哳緬懷袁生  
廬徑深行蹟絕茲事留餘賞當年詎非拙諒我  
松柏操豈為衆人設

感秋作

秋日氣候佳水木俱澄鮮長天開遠曙高樹吟  
哀蟬半嶺度落日雲收衆峰偏天時觸情端一

形乃萬纏椿鶴難久恃况此塵中年悠悠感微  
躬終與徂化遙

春晴行園

朝館絕衆紛遊暇極歎嶮娟娟遠色淨杳杳人  
羣舒餘霽聚溪竹寒塘戲春魚采萸始含景芳  
氣滿園廬聊將文墨閒得遂冲想初息心謝時  
哲寧辭止壑居

晚晴豁上

暑雨池上歇衍漾菰蒲清涼陰滿庭戶新雲依

樹生天風冷然來飄飄欣體輕始悟幽事愜彌  
令茲意平

告旱

昊天赫洪耀六合騰朱氣屯雲蘊隆崇湯風扇  
焦塵乘春及徂暑炎亢彌十旬萬物涸濡潤光  
采鬱已陳翕翕呈氣繁夕虫恒及晨徒懷夸父  
渴馬念沮溺勤陰陽失精和此理將誰論抱歎  
中夜起託咎難為因

晚晴

微雨洗炎熱廓然霽秋旻高雲輪囷來卷卷  
葉新映空寫素壁萬仞無纖塵澹澹安夕流鮮  
飈度輕蘋秀月復半嶺碧樹澄餘津陰處色尚  
翳澁光猶逐人幽興在林杪遠近歸清真以言  
獨往者茲意良已伸

早涼池上作

初日尚隱樹宿藹猶未踈夏雲曉來清豁涼看  
聚魚不異摩天游宛如鏡中虛澹澹竹陰遠稍  
稍荷氣舒偶此恬遠度終念形跡拘如何上世



命仲蘇洗生其  
士素抱恒晏如

幽居即事

盛夏寡所適反與草木宜  
喬陰永日閒紅蕖平  
岬披金房始含碧欣此  
雨露奇湛然絕塵氛清  
氣升夕池于焉暢靈府  
寧知矐日馳

閒情

青春倏已謝  
賴此晝刺長  
雜草撥新翠  
幽花分異香  
繡螺列遐珍  
奇石間殊方  
於櫺文本几  
蘭帟澄素光  
古研滄黛色  
弱翰意所將  
久幽白雲

氣流悅，逸芳曾是覩。世虛偃仰以樂康。

雪中有懷昭文太史微仲

玄冥啓殺節，蒼雪膳平蕪。氣嚴汁液堅，縈積彌  
八區。天地成純光，浩蕩塵穢除。心目驟開遠，寄  
身若空虛。雖知凜冽侵，忘得豈願餘。皎皎千載  
士，寂寂在高廬。

新秋東郊遊眺

高齋散涼氣，秋郊欣遐矚。曠野赴遙波，清雲響  
疎木。日入會田作，荒蹊鉏鉤斲。孤村生夕烟，新

會作詩卷之三十一  
一  
苔入鳴犢歸來無餘物山月亂簡牘

山中翫月

秋月多新光矧此含露潔烟然出長漢氣淒芳  
埃絕離離晚葉翻攢幽不成結偶逢道林侶與  
言多可悅背頰陰亦開遙疑雪山雪徘徊向空  
景意盡言復滅還思市朝內偏側尚羈紲

秋日江上

風緊涼意多氣腥歛膏澤洞庭增新濶淮南到  
秋色衆峰尚含翠獨樹自翻赤盡日無雲來江

水湛千尺

己未中秋月食作

仲秋天宇峻氣歛涼籟歇萬里澄浮埃金樞運  
圓月耿耿曙星沉淡淡長河沒疑暉含白水露  
皓霜華發徘徊通曲房蘭膏坐揮忽誰言淪薄  
食腫臃桂枝缺踟躕掩餘照翳翳陰氛殺秀質  
離復滿卽事將何悅以茲顛見心曠若青塵關  
佇立增永慕何時還可擬

養疾

懷痾淹時序晨夕昧寢興寶書委素篋朱霞晃  
踈櫺翠蘭日已抽綠葉滿階庭扶踈蔭涼滋久  
視青苔生神慮怯消散沉思杳冥冥賴茲金膏  
術庶以駐顏齡

初夏雨中三十韻

溼溼積氣潤澹澹浮景戢澌澌騁高翔蜿蜿起  
淺蟄河魚跳復沒礎龍蹲相泣仰窺天泓傾俯  
聆地籟翕絲散禁誰治矢下勁何急映昏沃洩  
滲注暗潛溢漑縱瀉直繩懸斜透橫戈入陳根

煩灌漑冗葉忠菸芭增澆江湖寬高洗宇宙濕  
烏號新膠解青蛇古鋒澀雲片草葺基水衣腥  
膠緝壘渠時覘尖頽垣日思葺魏敦虞人期漢  
罷陞郎豆卜醴雲臺仗揆神灌壇邑嚙酒或聞  
已彌天遂稱習南隴臥桔槔東菑聚臺笠蹠滑  
支撐怯濡淳芑刺集投足值涸澆牽懷到舟楫  
屈獲方屢伸涸鮒期再吸翁茸弱篠密鬱煥初  
螢熠沉窺無然灰漂夢有餘粒瓊簾諒難貯桂  
爐豈易拾負頽添悽悽悽感滋悒悒邀歡盪幽

默放言課齋給軌軌劬寔抽惕惕戒輕聚晶熒  
走珠函虛無叩璫笈爾竦義和戀顧使屏翳繁  
川容棧清夷山貌觀遙岌開廓燿奇光倏忽燦  
脩隰庶幾頌多稔無俾昏墊及

結客少年場

春風大道傍車馬自飛揚白首借意氣馳逐少  
年場散金平臺下美酒多芬芳赤土磨劔卷陰  
燄如雪霜奇功何時建撫膺坐自傷

王允美兄弟遊惠山次唐人韻三首以余

嘗至此山雲與同賦輒有此作

氣暄嵐藹多連鬱鬱青蒼幽壑應人語霧鍾開  
曉堂靜寐天無風升雲自回翔遙遠帶長薄舟  
舟近踈光空塘綠笋肥未摘舍茶香冷然得新  
賞都令機事忘

停艦陟雲矯遭迴想幽人鑿石出古池乳竇消  
滴新輕盈烟霞色日夕青磷磷汲引惠羣有消  
此空中塵因之整雲裝矯趾凌蒼昊始知常世  
外迴曠無比鄰



谿路到山盡山行隨溪越始及青蓮宮香與人  
世絕春燈晝烟烟綠焰猶未滅緬懷杉松夜烟  
際浮海月窸窣鳴鐘初萬籟沉不發莫同息心  
侶聊以謝歸轍

登銅井最高頂望太湖

五月辭人喧浮舟信沿洄連雨忽澄霽千崖洗  
毒苔遂登銅井巔曠望無氛埃川豁波浩浩雲  
卷天地開飛流灑空中長飈游驚雷却願西落  
日松聲瞑猿哀於此若可憇撫景相徘徊

自京口渡揚子至瓜州還登金山瞻眺一

首

歛轡京峴首榮景浮玉阿俯瞰維揚津遠瞻洞  
庭波汨汨帶長川漩深起嵯峨烟開鴻濛秀雲  
吐嶙峋華瓊竇閔靈泉潭壑潛鼃鼉仙臺象天  
措旁眺洞九遐海氣蒸神光青焦鬱駢羅戩夙  
嬉水怪飛艦乘空過因得空中觀混萬彙一科  
願矚止垓內囂穢棲塵涯短計苦自信近情良  
易多悔不早從山縱身躡清霞

題黃鶴樓詩寄長興徐按察子與

昔聞茲樓峻飛甍麗城閣仙事久蒸絕江流空  
自紆旁矚俯漢沔周覽辨荆巫浩汗積氣中恍  
若淪虛無想像臨眺美唯應人境殊徐侯卓才  
傑訟平多歎譽於焉葺頽圯百拱矜扶疏欲暢  
萬古歡邀我以游娛逶迤踞脩迴恨無雙飛鳧  
矯首白雲外遙心落天隅

魏日與周公瑕張師文兄弟登馬鞍山作

凜秋欣良道尋山陟曾巔置酒展遊覽周壤藪

窮天列嶽棲暝色黯黯趨平田初月遽隱見清  
證崕石娟光迴露始繁皓氣匝長烟俯視衆形  
泯昏夢猶術阡念當須吏還與彼相周旋始知  
上世士果得謝所牽持此感蓮心庶以神理詮

遊聖像寺作

野寺始獨到新晴欣麥涼芳篠青叢叢竹陰覆  
房廊寒棕剪高翠過雨桐花香川梁通煥景林  
殿疏夕陽耳目暫清暇都將塵垢忘何時來永  
樓放跡無何鄉

玉女潭

昔聞有神女于此駐精魄神女去已久誰辨烟  
霧趾蒼然兩崖豁下削瞰岩峇際頂松蘿高陰  
竇注寒液潛流澹若定萬古澄黛色竒氣入襟  
懷遂與人事隔飄飄塵中想乃假外見擇始知  
神人居不獨在幽蹟

登毗盧閣

古閣秋氣清千里滅烟霧連山開雲秀頽城斷  
行路殘僧成荒齋寒鳥落高榭中多故人情停

杯日空暮

楞伽山中訪殷秀才讀書處

昔游楞伽山山殿棲白雲平湖霽松頂波浪相  
氤氳竹陰晝更寂五月無炎氛殷君信英儔卓  
然離人羣讀書此中隱遂能奏竒文始知滕氣  
集他人安足云余時同游彥恒忌西日曛登艦  
泛迴川孤賞徒慙慙矧茲日蕪穢不能自鋤耘  
焉得復携手矯跡遺世紛

贈荆谿老人一首

荆谿之山鈎綿連連西南馳越道不絕水有  
九谿東浸太湖臨谿之山又猥積重複晝夜  
與雲嵐浮沉巖壑倏自為變山亦臨谿水始  
盡矣谿樹影落谿水中水皆黛色如画即所  
謂畫画谿者也谿上平處亦與絕散居數百  
家宜隱淪者之所居孫君頃為荆谿之游止  
谿上邂逅老人禮君甚厚老人有二子盡淳  
樸無世俗氣抑亦隱淪者之儔耶今累歲寇  
亂數郡震惶而荆谿獨僻處湖山之隈尚復

晏然信宜隱淪者之所居昔蘇子瞻常欲買  
田陽羨以為嘉遯之所良有以哉孫君請余  
為詩以貽老人遂喜而述之

荆谿山水溪路絕多不通主人荆谿老野性無  
塵容山田自耕作結廬並雙峰引泉常幾山入  
雲每千重茶氣嵐靄新酒香松乳濃子孫盡淳  
樸似違世上踪孫君有逸興遂得諧心胃累日  
始得歸勝事欣自逢我欲偕此侶願言而莫從  
何時移家去相邀乘白龍



贈大雲英上人

開士道林秀敏妙通惠性精廬住平壤宛如山  
林靜迴谿將百盤始得入幽徑龍鱗松龕古石  
塔蓮花並渺然滄浪天寐照有虛暎動搖參羣  
象重影森萬鏡自愛臨汎美日見心慮淨道成  
向何年吾其學禪定

送陸山人之上都謁王中丞

志士懷惓惓容髮苦見侵敝裘日蕪穢抱劍中  
夜吟古劍無文章精氣惟寒陰慷慨攬長轡結

託將遠尋張儀猶有舌范雎豈無心君家橐中  
裝嘗賣千黃金得勢在倉卒昔賤今所欽王公  
命代豪長榮制妖祲親承 聖主願幕下無陸  
沉珠玉誠所希何懼山澤深諒蒙知音賞開此  
平生襟

送內兄梁石仲之任平陽將遊天台

昔時梁伯鸞避世兼避名如何天地間其名至  
今稱夫子實繼作超然千古情皓首一微官家  
事都不營玄談葑稟廓每為人所驚盧敖方自

鄒章亥所未經况乃向天台鶴駕隨烟升銀流  
累翠巘金霞標赤城落落松蓋高嫋嫋雲蘿輕  
澆留餌芝朮想與神人并天路儻相邀庶足慰  
平生

送郡太守王公擢常鎮兵備副使

自昔漢西京歷載二百餘六臣最稱良並為後  
代模文翁治蜀郡衆中功獨殊蜀人初陋辟在  
土惟外區翁能好文雅化為鄒魯居公來艱難  
際盜賊縱橫驅霖潦浩鴻流黔首胥為魚公有

理亂息煦嫗春陽舒矧復樹芳蘭吹豎使紛敷  
願此殘悴質遠方日踈蕪幸會侍光塵遠叨清  
讌娛酌言浮芳醕廓若開昏愚何意重陰澤普  
洽盈彫枯德心諒弘濟與古能同符永期仁化  
濡忽焉戒征車高蹤邁難企縷繆情彌紆俯身  
慙所欽致感非一途慷慨中夜起盡言豈在書  
真願齊羣龍凌厲升天衢

送海虞熊學諭歸將樂

疲蕭無希世幽期藉巖穴委懷受天損永希古

人節舊畦云蕪何獨觀時哲言經闡國華敷  
教隆海澨唯然開大分遂迴長者轍清義遺浮  
沉靜對塵絲闕舍情方在茲恆若飢與渴側聞  
嘉遜賢抽簪謝羈紲孤願良未展忽此媿將別  
晤言復何期遙懷徒愴結

送郗太守西蜀王公建入覲分得辟疆園  
辟疆古名園埵石紛嘉木還同金谷賞朱輪蔭  
綠竹森窳已千載舊踪緬遐眺長烟隱樓豹荒  
塗駭奔鹿復此得幽尋賞廢鑿前品騰彼行春

侶遲茲高世躅

送葉伯宣會試上都

歲晏恒霜雪白日  
醫曾氛陰臯慘  
停寒凝耀曠  
彌旬野無繁枝  
葉蕭條見行人  
馬肥鬃鬣齊壯  
士俠氣新念子  
日行邁塞飛候  
陽春朝踏堅冰  
以暮宿無眠親  
豈不懷告享厚  
願良已伸傾耳  
日近佇無為關  
音塵

送梁伯龍遊楚并寄周水部一首并序

伯龍素有奇分  
千里之遊若在  
足下明日告

我汎鄂渚下漢沔訪懷襄于高唐平屈宋于  
澧浦以為異于古之左遷豈不快哉然楚人  
多哀復此秋晏君其奈何歸必揆朕語以廣  
我異聞坐我于崇蘭芳杜間也

浮舟入楚色浩蕩千里豁况值清穩時逸興不  
可遏雲來巫峽長木裏洞庭濶故人渺何許引  
領向天末

送顧子韶比部歸上都二首

南國日滔蕩川梁浩無津常恐地勢傾于何托

斯民水盛陰氣壯惓惓傷我神處身一何危擬  
足不獲伸用懷我良友婉戀平生親誰知非儔  
匹去我若颺塵

良友實慰心于今尠儔倫灑然靜恬漢門無翟  
公賓時蒙枉空廬雙情馥芳蓀晤言六纒終亮  
此非虛親別從古所歎美獨在茲晨但願熙弘  
業嘉譽隆日新

送張伯起兄弟游南都

黃駁必千里致用豈待飾神俊各異姿俱無風



塵色名家芳棣華美譽耀翕艷連翩富文藻高  
翔任風力藹藹都邑游冠蓋相追逼餘光灼往  
路遠近企清則伊余方惰勞歎睇寄遙眺徘徊  
竚芳訊無使居情抑

送陸水部子傳北止

玄冬固重陰雪色猶月色風吹長河靜天寒夜  
光黑困獸伏川梁壯士奮皇國文采洽沃若美  
酒逾千石送子萬里客日暮憂思積願睇臨曾  
阿連翩馳西北

送周天球應辟赴嘉定教授

和澤周四野萬物因時資春翹舒陽彩雕鵠翔  
雲嬉我獨抱淪沒戢翼不得施周君盛古彥藻  
思含英竒欣承柏臺寵以誨遵海沂茂宰隆虛  
己羣公仰今儀及此深情貯信宿次河湄久念  
良已傾且復敦前期與君既綢繆不知心所違  
願言體貞素流俗將見移

送王明善

王明善屢試不合嘗鬱鬱不樂遂以乙卯六

月北轅朔都以展所畜積且將復觀塞垣求  
古興衰之所由余謂以彼其才而偃蹇若此  
別雖君山放逐亭伯流離殊未足增其憤懣  
也因寓于詞以述乖離之思云爾

威鳳集珍條積風限高翔匡鯁志江海尺澤焉  
足量懿茲中林士敷文聊頡頏塊然寡徒偶舉  
足蹈峻防伸眉竟何階念之鬱中腸抑我同心  
歡乖離越他鄉他鄉三千里道狹草木長白露  
浩已盈但恐霑衣裳慷慨睎遐軌尺牘安能詳

送梁石仲遊金陵

廩秋多竒思清雲颺層颺高樹蔭浮涼蟋蟀鳴  
前除撫壯聊竄端稚節念已移愠倫慕同趨仇  
別忽在斯竇駭飲靈潮鑿駕珥郊岐南遊頓雙  
闌北顧瞻太儀過蒙賞心會玄冕生妍姿積久  
亮愈宣郢握豈獨私願言篤情素申章代五絲  
行矣茂芳馥遠蒸潛山基

送丁道卿赴辟

大火澄金氣皓魄吐芳枝宵蟲驚時吟札札恒

若悲使我不能寐徘徊以增思力田希逢年終  
歲敲告飢羣愚塞衢路獨悟焉所施對觴成朕  
索言出而志違往感失歡娛老去難遂追諒自  
用身拙此復當語誰思念我友生風駕事驅馳  
秋蘭委眾草芳蕤絕世竒此珎可比玉珠恐非  
時姿遠遼涉千里中夜永念之千里豈云遠所  
貴心相知冀願將其英佩服揚芳蕤願言無終  
極用各勉令規

贈程禮部太公

太公魏人以子文  
熙貴封禮部郎中

寥寥石給事雅志存大計昌言忤貂璫天刑劇  
危斃牛生交情盡莫敢迫相睜積候一曹郎旋  
身艱難際扶創赴血肉節槩折羣勢藥餌隨所  
止分金重周衛太公曹郎親時來吐深契義聲  
魚慰藉如天掃氛翳命子竟投綬共輸東臯稅  
惟時東宮息方覃馳封例公心弥感激豁達曾  
不泥脫厄詎辭衲求仁匪營利父子同風期似  
若有根柢王君述公賢謂世莫能繼要余共張  
引胡能復停綴盛德天所祐頌聲日迢遞願享

無疆休終南比年歲

劉光祿

浩沔極楚望嵇天浹坤維豈惟壯險亦實以鍾  
英竒并教厲清則屈平尊瓌詞元侯暢神謨龐  
公甘隱棲高執各異轍斯人邈難追光祿千載  
後乘風振芳藜燦燦隆國華結綬升皇闈令德  
既以勗庶績亦弘施長譽被京邑玄冕生妍姿  
斬營非所慕鑒替在良時遠蹟要路津味道存  
精微盛藻煥辭條撫化究心期安知置埃內靜

已還自怡恨余迫窮節蹇步局故蹊永懷欽賢  
性怵惕中獨馳慨彼憔悴頽終然阻光儀援翰  
忽蕪累情素何由披庶同握蘭者聊以遺所思

董中丞

大廈構殊材珎袞華豐腋濟川瀕巨艦搏風必  
脩翮曠代成茂紫光替在鴻碩董公實 皇佐  
河岳孕明德榮芝清憲臺謬刻竒憲埋輪肅  
吳甸凜凜冰霜質白簡書不渝朱絲繩自直放  
崇蒼珮班飛聲動 宸極揚旌弭江徼坐使崔



符息蔗蒸既已施蒸穢焉能植將偕伊衡輔遂  
齊山甫跡卓犖邦國損配古作良弼緬惟藜藿  
賤蒼筤棲叢棘豈不企高踪出處各有適流目  
瞰沉鱗矯首睇翔翼踟躕懷顧慕抱影中自惕  
年志候已闌何由蕩幽默款誠眇不達想像空  
佇立

積雪凝寒

大雪覆萬物天地始皓潔荒萊三光韜壯氣固  
窮節山寒困數窟野曠人跡滅獨有幽棲士抗

志在蟻穴不知黃竹苦但覺丹爐熱孤鶴出奇  
標無復自分別逸情與野性于此尤更絕却嘲  
東郭生市中呈履缺

送王太僕

初陽吐和景曾輝開夕陰倏禽哢新條感我慕  
類心伊人江南美翹品冠人林觀書獵餘絢振  
藻散奇音芳聲既氛氲初理亦深湛寄賞雲霄  
外清風澄素襟于焉翔上都判袂方在今良談  
戀遙夕蘭卮時共斟余方迫頽暮離思悵難任

餘仲嘉先生集卷之二  
綠樹鬱瓊藹白雲隔瑤岑音塵自茲遠幽徑誰  
相尋後令戶庭內懷廟憶所欽

文休承臨趙子昂水村圖

連村荒藹中緬邈迷行蹊葭汀出長浦柳岬澄  
迴谿遙岑若浮空孤舟來向西此中事田作時  
當及春犁彷彿蒼雲間咫尺無端倪還思避世  
者於此宜溪樓

吳郡太守永康余公祠堂詩

文公化蜀郡名父蒞九江遺烈播清謠顯顯垂

令章惟公茂俊德曠代齊紛芳朱軒耀黃扉英  
風自遐揚武王昔南狩行行至吳疆公尤據顯  
畫翠華竟回翔既施極溺仁兼使國步康盛德  
著明祀昭則用無忘竭來有聞孫昭軌遵舊邦  
寬和浹民譽衆美咸昭光永言表遺愛袖毫頌  
甘棠

春色丞何侯遺碎蘭花一首

色丞贛州何侯有孟蘭自其地移置解舍扶  
疏如樹四五月開花其花細瓣黃色名曰碎

蘭芬馥郁烈即一花置懷袖間能經日不歇  
余聞而異之錢伯昭輒以言候候欣然遣書  
致予而不惜其千里提携之煩侯回良吏而  
有奇懷者也予喜甚因牽率數韻奉謝兼簡

伯昭

何侯古良吏好文兼好奇孟蘭得異種千里遠  
致之日對藍田廳溉使生榮滋片言遂相合欣  
然狂相遺田田綴綠葉葉葉垂青枝叢芽漸抽  
心似與地氣宜云當四五月即是花開時一花

自成芳十步無乏姿楚賦竟誰辨漢篇曾莫窺  
雖余未有觀中心良已怡還將紉雜佩從風逆  
輕惟常怨委微霜終歲自保持申命同懷友共  
結後年期

貽周夢山一首

炎月煩蔚蒼卑棲喧短翮流目暢情想締墨候  
已積芳茶鬱春華清言吐蘭澤屢蒙故人書庶  
用娛晨夕冲漠余所希同心曠乘觀淪落非世  
患放神以自適劉公日沉飲深衷豈外惜

贈集雲寺性公

吾師南宗秀禪慧森寶相棲心滅板緣開流納  
珍藏跣趺祇園內通照空王上靈芽餽霜雪精  
心剝熏蕩華鉢窺野鶴香臺伏狂象長廊松杉  
靜天宮鬱相望伊予滯迷方有覩投雲狀服倫  
世諦苦纏縛魔心壯操割資勝回恭承指疑謗  
更禮耆婆天永拔示超曠

画草蟲

沉沉夏溪陰玲瓏秀瑕石平荷圓溜滿弱藻含

風側暖蝶熏奇芬晴蛙泳清溢幽閒自得性妙  
象于此得方知猜疑盡靜對皆玄默

登馬鞍山次孟東野張丞吉韻

古寺畫陰穿綠蘿覆繩床天影下清竊松音落  
空香遠樹多暮色幽泉有深光持此積喧意來  
訪逍遙場日出照元氣泱泱湖海吞濛濛松蘿  
頂杳杳烟霧根獨鳥鳴絕壁霹靂鍾延遠村遠迤  
青蓮宮白雲初出門

荅王郎中元美三首



良時邁明哲能令羣望傾矣世躡高位九牧咸  
見稱喜招及韶年駿足隨雲升方駕趣虞龍藉  
藉揚僞聲言論汰流議詞賦鄙朝榮貽我以妙  
詩燁若煖天庭何況薦高義慷慨有遺情瑤璫  
久乃宣和氏徒營營倉卒良未展蓄寶光彌呈  
冀願在一時安知後世名

涼風忽然至爽籟中夜作仰視明河翻皓月吐  
崕嶠徘徊澹虛景鴻雁翔窠廓念子若故歡良  
晤欣有託寫心出誠素臆贈非所惜要我以遊

居中更增朕索况復伸別詞遵塗驚玄朔歡顏  
未易畢長夜詎云博聚散成衰榮由來誰能度  
茫茫大鈞化何從有厚薄子其知爾續余歸翳  
負廓

崇蘭生幽澗擁潔自推藏玉樹竦千尋傾枝媚  
朝陽萬物貴得性託體各有常奚必同根株然  
後揚芬芳蒹葭非世珍何子反見臧大道無拘  
留貴賤寧易方形骸苟可遺于心定誰特當令  
千載上與子相翱翔

陳公儲画龍水圖

古來画龍者誰能得其真吳懷與僧繇下筆最  
有神徃徃合變化超騰奮無垠噫嘻至神物瑰  
異詎可親如何筆蹟間直與真龍均始知画師  
妙不在甲與鱗公儲心獨精此圖世所珍出沒  
蕩雲海伏矯隨屈伸反從意匠外倏使烟霧新  
披圖六月寒洶洶勢欲振劉董胡誕妄終日纏  
其身請君看此圖其性終難馴

少林僧徒一百二十人赴義討賊軍次海

上不屬諸道帥聞而壯之遂賦此作

吾觀頭陀行髡髮窮山崖還收骨肉愛薰染熊  
羆牙奈何懷憤激嘯叱騰洪波生犀全覆腦長  
矛左右又鳴弓開寶月雄魚生蓮花據鞍大道  
傍四面咸咨嗟秘開九地法義盡五天魔寧隨  
霍嫖姚未遂李輕車功成不足多等世恒河沙  
由來俠烈肝可以棲楞伽

贈龔溫州

龔侯有奇度耿介絕鷲塵躋身清憲臺謹言實

敷陳及茲鎮南服理化在還淳政成日豐豫高  
情憇山雲興文若春華曄曄皆抽新雋聲叢前  
胤遠韻隨風振伊昔家豫章桑柘藹千春竭來  
事薄游遵處濮陽津歲月邈已邁欲歸悵無日  
永言戀故都徙倚不及申緬惟登樓作信美豈  
虛親願言寄斯章聊用慰殷勤

送如顛上人南遊將謁壘太守

遠公住廬山持律稱最精至今千餘載能令衆  
心傾要非自矜潔嚴照淪重冥如顛信本辨及

茲方妙齡反欲長毛髮食肉希華纓南遊于諸  
侯合掌趣逢迎永違清涼區以與煩穢并豈伊  
示權化靜躁無殊形願子極抖擻無生未來情  
嗟余昧止泊方思啓真乘何由除偽寶食微契  
無生

卷周水部胤昌

廓落無與歡忽忽日云至勁飈捐空林積雪在  
平地湯湯大雷集淒淒失羣媚曠野多嚴氣高  
原起豪鷲馳思日千里思我同懷士出處理既

睽契闊恩弥熾貽詩六殊調臨組若黥劓善官  
諒所敦違方能無躋豈不貴淡識臨風有餘慨  
伊餘淪浚谷年志互摧悴感于惟良知精誠貫  
宵寐恨無凌霄羽終然莫余致德音尚不嗣徘徊  
將焉遲

陸光祿卜居

卜居依人境默默中自操竒心絕近情披文竟  
清朝時無劉壑賞虛室恒寥寥道遙有餘聞薄  
言遊近郊荒楚翳岑嶺槁葉擁寒條冉冉雲景

除天空氣澄高適已非外獎晤言寄清謠所尚  
諒莫儔獨往何必招

送曹巽學赴上都

威鳳昔來儀和樂先君臨何其久不至攬涕傷  
顏侵仲秋鴻雁賓草木發哀音我友邁朔都暫  
駕越河陰日夕望京闕四蹄逝駸駸遭時在斯  
須良遇值來今簡珪辭垢土譽重千金愧我  
蓬室賤同枝乃異尋伸眉謝知己援筆為長吟

飲周鳳來園亭



嘉辰恆同志邀我于中園塵慮欣暫遺清言忘  
景淪高風落庭槐寒鳥池上喧遙遙晚色靜淒  
淒荒藹繁氣變寧自持歡來不重臻况迺逢世  
難禍患恆在顧復此戀佳賞既歸意弥敦

貽徐道潛

并序

自頃寇亂徐道潛避居秣陵徐氏園亭貽書  
要余云其居出長于數里得方山山有洞名  
金明相傳與華陽相通頗饒靈異可以棲隱  
又謂余不能全身遠害如管幼安者余嘉其

言甚有高蹈之旨而恨不能從焉因賦此作  
答之

伊昔逢世難念子實周旋息心追達生竄身復  
棲山要我以偕隱藻蔚攄妙言金明與華陽玉  
洞相鈎連中多金琅玕服之可長年其烏有珠  
響泠泠韻幽泉懷此信靈異庶足事潛盤恨無  
管生操重稅遠東田與子當睽索瞻塗邀雲烟

挽歌

生時貴玉體靡靡藉蘭芳姿容為肥澤雄志結

中腸一旦精氣盡筋骨反堅強飄颻吹我靈無  
復脚案糧愛我于高冢猛獸同穴歲土脉浮不  
實膏液漬嚴霜豈在歲月多然後歎淪忘

贈劉生

蕭蕭古夷門膏聞抱關隱于今幾千載能使風  
義振劉生後來秀襟期忽相準結託釋榮吝高  
談藉芳醞良為賞心客疏縱何由近

贈陳山人

吾聞潁陽高嘯歌放巖石遙蹤澹虛景斯名何

由得遺之彌宇宙識訕隨以積君獨訪五藥韓  
康與比蹟荷插人參香腰鑣苔蘚色枕中貯精  
方發論辨經脉君真有妙理為余駐裏夕

顧方伯西園宴集一首

玄象忽改律萬物浸徂遷林廬捷清曠崇臺俯  
芊眠窮遠睇曾嶺近矚趨下田時菊尚餘絢肅  
肅晨飈鮮哲人解其感遠託絕世章招要命同  
志為歡究當年陳醴叢醲芬逸爵竟長筵綿綿  
暢其真悟對昏歎然飲德良已極薄暮方言旋

季月媚初景登艫沉迴川願循慚菲質及茲荷  
采甄何以酬嘉會含詞諒難宣

送內兄梁參軍南仲

吾兄實名胄結髮攻雕詞吐藎有餘絢璀璨無  
瑕疵每于叢人處獨見清廟姿才情無乏源雋  
譽紛四馳計日收甲科赤霄共逶迤柰何人間  
事跬步生叅差奇文隔衆目被禰秘難窺梓抑  
不獲伸天路成多岐補官落南徼經塗歷浮危  
淪漂饒水宿羈棲多野炊貫窾白雲嶠制制玄

猿杖入谷霧點躑出樹花披披氣喧不潛蟄  
盡無流澌其民少文章反着烏獸皮豈不在沃  
產當時蓋羈縻君多幕中才僚吏咸見禪好古  
懷馬伏尋幽陟難祠薄宦非左遷抱能久未施  
又使職貢獻萬里羊嶮熾高馱千黃金逡逡走  
京師支離日月荒化化勸骨羅天子不見省歸  
來翳蓬茨厚謗消惹茲輕裝謝未提高懷滅城  
府大觀齊偶奇向平身既輕充腸易為資恬然  
恣真賞心蹟不復疑奚必玄圃遊神界方在茲

始知乾坤內靈藥非外規不知帝臺稼何如金  
屈卮

荅王郎中元美

浩浩金氣肅稍覺喧繁叔瞻彼寔廓間茫茫焉  
所投茲實蕙上腹弄鯨鯨洪流虧血無完士僵  
屍醫榛止亂離既去瘼日見戈矛稠微命諒如  
絲旦夕鮮克謀疇能不傷冲而以摠百憂緬維  
上世士高翔邈雲浮竒蹤秘莫窺一往不暫留  
念此豈不偉舉目空夷猶鬢變良以早効刷還

相讐惻惻含酸悽中情詎能抽願言寄深識  
章儻相訓

寄上劉尚書

璿玉經天步本自岳瀆珎炯然無氛雜七政咸  
相循公實濟代賢豈不與之均卓犖大庭議翕  
赫舉夔鄰復睹風雅作清機劫無因浮雲為訇  
卷噴節靡繼磷白首卧松雪丹心映麒麟巨海  
掬百川四面素英賓宛轉生人表向下看埃塵  
澗唇龍氣竒崖口虎蹟新燁燁齋房芝三秀彌



冬春安知台國賞反在潁水濱真德既已殊匪  
伊常情親于焉佇芬芳握蘭徒自勤

題伏生授書圖 并序

余按班固書始皇帝燔燒詩書六學缺然求  
能治尚書者天下亡有獨有濟南伏生乃詔  
掌故鼂錯往受之時生年已九十餘不能正  
言至使其女傳言教錯今觀此圖皓首踞坐  
者即生也懸書杖端侍側者其女也勤禮而  
面坐者錯也斯善畫者可謂能盡其態矣然

生壁中藏書已數十篇僅得二十九篇而齊  
人語多與潁川異錯所不知者凡十二三而  
歐陽永叔又言徐福入海時尚未焚書日本  
至宋時猶有遺書百篇禁令不得傳至中國  
嗟乎先王之大典放失殘缺事蹟委曲若此  
而夷貊乃能獨存而不廢為之慨然遂題其  
圖之首

始皇燔書後六學咸缺然獨有濟南生藏書三  
十篇嘗其孝文世詔錯往受焉生老言亦訛至

令其女傳渾渾與噩噩吁嗟一何艱婉變展新  
圖若見千載前善画苟如此奚在丹青妍

書李唐画采薇圖後

惟昔夷與齊畢命隆義聲長嘯孤嶺頭飛芳振  
蘭蘅傾筐停瓊霑悶默薇蕨情冥游超玄跡卉  
木有餘清李唐稱善画淡心寄廉貞豈惟粉墨  
殊真使頑懦懲炯然珎圖上空林肅遺形灑筆  
佇遐軌千載希令名

貽元美

玄冬多枯林遠索山澤居終風相回薄惓惓意  
不舒衰痾日相侵戰慄還復癯常恐形神沮曠  
然歸空無用懷我良友翱翔于上都清義著來  
今羣士所慕趨自我同携手已復三載餘亂象  
已迫終懼不克俱悠悠良辰往念之增鬱紆  
何以寫遙懷辭殫意未敷

送許明府之蕭山

芳辰展良觀暄景麗晴皋綠莢結遠藹河柳散  
榮條送子遵路衢遲侯睇征塵肅肅戒晨旅理

俞仲蔚先生集卷之三  
棹泛流潮逐湍既紆餘連頌復岢嶢雲烟信緬  
邈蹟通心實遠豈必楸繁英足使令名勗俗化  
由純約政成在不佞何以慰寤寐踈踊佇清語  
送周水部胤昌還上都并序

蜀漢江陵之山多竹木之饒其民每歲剽伐  
候水潦出之蔽江而下者以億萬計故行賈  
徧郡國贏得多至什倍國家置關荊州權之  
周水部胤昌往蒞其事踰年甚有聲稱卒使  
豪戚斂跡事竣還都道經于家適阻寇亂戒

車未發復得小展談讌念今寇亂益熾後期  
難要因贈詩一篇送之

懿子實鴻軒雋聲惟高揭耨耒返南服虛舟信  
超越折麻喧湘纍九陽徒晞髮浩浩極楚望撫  
化無厭歌河山自神營日月立興沒賞心亮已  
遇外物誠可忽况乃遺沉浮淑貺仍所闊時屯  
無夷執戒車未能發復得展談讌暫阻河陽別  
猥余日衰痾寧能謝先伐善茲儻存故庶幾慰  
寐茂

送吳山人志道往閩中謁汪中丞

閩山插天起谿聲，猿長萬里度雲壑。兩岬迴  
清光山，胡啼綠烟春風薰。蘭香五月荔枝熟，丹  
房芭玉掾人家。嵐靄中，瑠璣薦檳榔。此地昔稱  
美化為荊棘場。汪公擁貔貅，揮戈掃天狼。俗美  
還舊觀，英聲震遐方。開幕納羣士，世人比孟嘗。  
君行託大賢，頌德揚芬芳。况復入佳境，所志無  
不當。還期香雞尋，延領聊相望。誰憐張仲蔚，蒿  
蓬獨推藏。

贈休寧程汝玉

程君性恬淡所至能緯居邑里多英賢撰次遂  
成書頗復購奇石巖嵒列庭除石根九節蒲冬  
春自扶疏可翫復可食翠色新雨餘何能訪君  
家與此相躊躇

贈林上人

上人天機秀諸法了自別雖行黃塵中素心皎  
白月空林響秋籟淒寂忘言說聊因啓真采求  
入無生滅



送汪禹乂還新安

良友千里至高誼超平常持我篋中賦一一為  
平章新詩又何佳可以奪蘭芳各言惜晚值談  
晤傾曦陽八月高矣蒸垢汗如泥搔披襟鼓冲  
想竟日皆清涼始信蓬蒿樓意得自徜徉春然  
候言別斯吏仍異方同懷難久淹後翻未渠央  
臨流撫烟景引領睇歸艎

太原太守於侯德政詩

太原古晉墟河山信隈隩險塞自天戕襟帶窮

要服實唯地所固伯蹟相薰逐矧復連歲飢萬  
姓空杆軸雀符曷游侶商賈無停轂渤海方亂  
繩所期在良牧於戾人倫俊茲焉剖符竹仁聲  
翔首塗聰麗通遠矚亂繩日以理招徠及流族  
閭閻稀夜析疇壑多春犢奚藉里瑞訓能以澆  
還撲民俗既安瀾唐困有遺畜至我中和化千  
載幸見復雖野感祥雉扶輪擾馴鹿愧乏資中  
木承風播餘馥

河陽溫侍御平寇詩

層氣升喬空吳嶠獨不開溟漲既泛濫妖鯢六  
曝鯁時無幄中画樓船屢徘徊伊昔荷休命神  
畧攄上木赫赫整精銳揮戈役風雷素甲耀雲  
日列校奉成規鼓楫凌遠山維綃屆荒坵虎賁  
屯七萃魚麗盡六奇天網諒宏已梟孽焉足綏  
生俘遠近遞皇道日清夷弭箴息徒旅飲至近  
偏裨昔往傷采薇今來樂時熙曷業倏以建雄  
名安可追揆于愧薄劣牽率敷斯辭

有懷徐汝寧

汝寧為郡治行甚高而大度不閑於時竟為  
抑蔽嘗邀我以二室之遊亦遂中阻計旬日  
可至吳門久遲不至悵然有作

君昔負奇氣高聲馳建安賦詩特先賞四海交

清權

汝寧與濟南李攀龍廣陵宗臣荆楚吳國  
倫吳郡王世貞初同官京師並為詩評以

佐更事汝寧于時最先為刑部尚書願  
公應祥所賞名重海內王嘗為余言之願予雖

淪躋投分踰芳蘭開懷結綢繆直置瞻與肝密  
念屬千里要以相游盍豈徒寒暄問方當振摧  
殘如何中睽阻倏忽興悲端知音諒已稀寶瑟

青竹齋詩集卷之三  
五十一  
慚空彈日夕佇光景彷徨使我嘆

贛州康處士草亭

高居出事外孤亭朝藹中  
細草蔚佳色厖亂隨  
春風映階連古苔盡日青叢叢  
此中饒幽意冲  
賞莫與同懸知蔣生徑獨有求羊踪

王元美雜蕒園

芳園蔭通衢落落無停轂  
雖非巖穴奧緬烏在  
後谷綠竹帶清川標雲秀  
珮木蕙畝藻神霧蘭  
林泛鮮旭無風自芬芳  
茂彼蕒與萊達人有遐

度所尚惟淡穉稱心何必多即事遺飭朴良辰  
欣特往聊以舒煩促引領日東鷺何由託余足  
阻雨夜宿盤門石橋西

我行值春暮遙山多綠苔濛濛日氣蒸亭午雲  
不開夾河柳色暗白雨湖上來暝投石橋宿疾  
心忽如摧故人屢相期悵望空悠哉

慕姬篇

美人綠窓裏啞啞含春風春風忽飄至但聞妍  
笑工妙芬泛裾裾嬌靨開芙蓉年纔十五六未

與世人通可憐少年子珠勒桃花驄意看黃金  
賤第言心性同婉孌有餘情密得常相從相從  
高樓夜度曲入雲中曲終應若為乍疑天上逢  
詎知宵漏歎日駭象林東

雜詩二首

暮序迫窮晏疾飈嚮嶮巖空林伏晦色散溽愁  
雲寒層冰隨陰結氣勁浮景單淒淒苦心薦  
颯華志殘廣隰有屯靄涸澗無縈瀾常恐霏霏  
集無以足朝食既秉遺物情邈然竟誰干

初秋氣候佳懷新赴脩薄邈迴自俄頃參錯變  
嶽嶠飛流灑青天穹竈映丹壑竦楹既迷密韜  
景乍焜燿境殊雲霧多心魂慄微弱緬彼上世  
士升嶠均遠託儻若果幽期豈意淪蹟鏢

說劍送周孺允

孺允有雄劍藏之二十年上鑄七星字文章皆  
自然戚戚鱗甲青黯黯有竒烟日夜自拂拭行  
行至幽燕累干苦未售出之聖人前一朝聲譽  
開遂登黃金臺浮雲為之決龍光天際來物久



精氣多豈同塵與灰託意每不淺弟令世上猜  
安知三千士服斃俱蒿萊

吳江普濟寺古柏

古柏劬骨竒磔裂半生死年多葉逾細疊腐如  
馬齒陰坳滋綠苔爆節流素髓胡為長偃蹇獨  
抱止聲美寧隨共銷落與物齊一執

寄李攀龍二首

烈風飄中野惻惻將焉之世務多委曲龍性非  
俗宜君子存遠鑒端操方獨持息心都邑游長

嘯歸東菑遺榮棄鄙議一往不復疑逍遙極懽  
情散髮臨川坻達人貴止足斯義誠不虧引領  
佇所欽安能与我偕

日夕思君子邁會何由期山澤阻且脩念隔難  
克偕未見致款誠亮由心相知相知不相見悠  
悠使我悲曠若懷古人千載與我睽古人雖云  
遠詎令歡愛携顏言結蘭芳平歲永御之柔章  
倘不乏庶慰長渴飢

與王元美

并序

元美歸自京師即以家難復馳赴焉舟次城隅予為負痾出祖於時天垂厚陰烈風隆寒音旨哀憤心誠痛之因復累嘆長夜舊痾增劇信分乖之致感年命之不固遂作詩三篇用申薦好且念嘉會之無期耳

北風何烈烈日暮玄雲征浮舟涉大江遊子不得停念當辛歡好奄忽禍患嬰臨流申別言言叢泮自零判若參辰隔何時復來并頭保金石軀傾耳聆休聲

季冬嚴霜月去我之朔方萬里戀辰昏憶中  
自傷寒氣侵襟袖河宿正縱橫徒有盈觴酒與  
子不能將念茲雖云乖終當返舊疆

良時適歡友嘉會難可常始出燁春華今來悵  
嚴霜斯須臨路側離別在一觴古人可喻心豈  
不惜蘭芳安得常嫵婉與子相隨翔

贈林居士

林公好竒書日夕自研披蕭然遺世慮六十仍  
早棲與語皆隱論固窮不復疑此理邈難匹所

保諒非違事事如古人于今竟誰知素心苟如  
此奚用空名為

寄題蘄州高別駕園林

昔公遊梁罷不喜平壤居尋幽極遐情茲山信  
縈紆躡峰別巖奮選膝開林間松篁蔭後園蘭  
蕙滋前除泯泯江漢流俯映皆空虛龍磯莓苔  
古千年發寒淤却顧麒麟山蒼然嵐靄初

贈莫雲卿

莫子本不羈逢人即相知朗然徹丹素便要千

古期若無深沉思又為璀璨詞衆意所未決出  
之了不疑投壺應桑林談笑傾一時飄飄滄洲  
趣清輝凌紫霓交驩瑯琊君銜杯共揚眉不愁  
白日暮但賞知音稀願我還索漠披文每淹移  
閒花落空庭獨有香風吹攬之不堪贈窸窣空  
尔為

送葉伯寅遊永嘉

昔聞謝康樂高情屬霄漢符守烏足羈滅蹟類  
幽竄風跡人倫外尋雲常苦晏所託良未淺賞

蘇軾詩集卷之八  
心寄繁翰曩哲既殊調今子亦同貫理棹及秋  
晨逸志期汗漫沿洄巖子瀨奔峭赤亭岼樹隨  
程颺溪峰與烟霞亂清江千仞激寧假濯衣玩  
觀竒諒心契旅遊豈情歎願我懷閭室咫尺步曾  
未半傾想遲歸舟舒情共欣讚

寄吳明卿

余本蓬室士疾疾况窮年落落衡門內日夕或  
寒烟雖無原生期曠若相周旋何子特見賞令  
我頽色妍片言結心曲揆續未為暄悠悠阻音

徽契闊何由宣恨非排風質與子賓稟天

寄徐子與

惟昔常與子歡情覩芳荃終晏臨華池合坐忘  
景遷澄月揚素彩蒼蒼出中園清管應妍唱遺  
響徹雲天車子安足誇由來有自然媿非繁休  
伯奮藻析長牋念子含餘歡秋期復未還何獨  
成駢服遂令孤願言還期暮春時慰我飢渴顏

送周芝孫北游

周郎有逸興染翰亦鮮儔結交名公子遠託千



命仲業先生集卷之七  
五十一  
里遊揮袂辭親知登艫出芳洲行行越舊壇北  
望燕與幽才賢萬里會鬱鬱都邑稠走馬黃金  
臺知音儻可投願余老巖石矯足空夷猶

送徐按察紉明之湖廣

今日看征蓋春風喜去旌桃花漢江水楊柳武  
昌城詩得窮時趣人歸謗後名屯田成布錦推  
監作和羹木大無淹秩時來不用營朝廷新氣  
象霄漢待君行

送王少叅敬美之江州

王君弘美度觀書志披揀牋麻每盈箱翰墨間  
揮霍籍籍收衆譽芳風播蘭若頗厭承明廬祇  
投出漳洛旋登太華巔六復資遠託金繩引絕  
巘玉梁亘幽壑磨削捫懸崖側足履半嶠路東  
逢崑刺天峭斷翔雀惟君嗜竒游儻身出廓廓  
又聞廬山秀嶽岫必天鑿磅礴浸三江氣變莫  
可度其內多異蹟古仙所棲泊移蒞方在茲歡  
情從中作延領睇高軌怡然去羈縛何當盛明  
世終以縻人爵

送王儀部敬美赴上都

蔚蔚雙瓊樹，枝葉何葳蕤。芳華參差發，一一春  
風吹。與子方晤言，分旼由良知。如何限官守，整  
駕促前綏。行者日以踈，居者將復離。世路有殊  
軌，日月無淹期。立德豈藉貴，盡意非在辭。勗以  
慎所履，永用慰幽棲。

秋日四首

秋日臨高城，曠然氛霧收。稜稜晴山出，色淨寒  
塘流。淒清菰葦行，稀羣影居下。頭積痾，無時豫。是

日欣久留長恐行徑黑餘興猶未酬

窮居唯自知垂老坐幽石白髮不可緝了無周  
身榮海氣生早寒颼颼桐庭夕商歌乏偶響敢  
謂天地窄獨有千古心躄如桂枝白

雨氣久厭苦開晴喜至瞑精明月更出空闊天  
無星地濕發寒彩餘影澄逢汀竒懷忘流夜耳  
靜無所聽不知霜華落曙色青冥冥

新晴雲氣鮮月色高更潔幽庭宿涼雨照耀如  
積雪思鳥但聞響遙影空中滅久靜機思清整

與人羣別曰知雲岵內事事皆可悅

九日

閒居愛重九晨色晃初晴澹澹氛霧開草木含  
光精罔巒厲嵯嶸石瀨滋冽清極望鶴垆牧豕  
黍被脩膝高雲矯輕羽迅飈墮浮榮隨時覽物  
化冉冉焉得停將老思近年淹留餌秋英豈不  
昧服理聊以據吾情

秋懷

季秋積氣盛大野屯隆陰萬物忽改色淒淒多

楚音摧藏失志義長嘯高山岑獨行無匹傳浩  
蕩愁余心冥數苟如此且復俟來今

丁巳七月九日大風拔木偃稼一首

去歲地維裂遂欲開西北秦華忽播搖河流互  
傾覆甯媪曷自處萬姓遭顛仆及來怒狂飈偃  
拔恣雄力眩眩象雷聲迴穴無停刺大塊苟噫  
氣何由有戕賊班生書五行妖祥詎為極天心  
曩能忖感悟恒在德吁嗟杞人憂方此諒非惑  
我欲緘此詞遺之於深識

漁父

昔有漁父者，輕舟若乘風。心恬澹瀾事，澹蕩空  
虛中。夕依落日，聞晨汎。初日逢釣竿，揭日月。蛟  
蛇驚，潛龍運。思沉九淵，所得豈在豐。惜哉行吟  
客，願言而莫從。鼓枻滄浪流，聲與天壤終。

秋夜

孟秋逢餘閏，陽景奄西歸。清雲蔭蓬茨，皦月揚  
素輝。涼露承輕葉，澹澹河宿稀。中夜結遙念，攬  
衣起徘徊。遵塗豈不疾，願瞻獨有違。苦心將焉

寫抱影私自悲

登圖山

旅發候翔陽暮投乘夕曛  
龍茸入烟灌迷密鴛  
赤菁標峰天外竒發地茲  
江濱峯岑類奔兕巢  
嶻象驚瀆深洞韜恠章華  
嶠被綺文黑霧鬱海  
色丹霞隱日氣攀鴻升八  
齊宿巖憇干雲伏化  
賊靈族宣遊必仙羣敷文  
絕往篇竒紀昧前聞  
幽期自茲協秉韻辭世紛  
無為樹松擯惻惻懷

煩縕



贈虞山老人

迢迢虞仲山回環四十里其下澄湖陰半在山  
色裏湖陰與山色蕩漾蒼翠新時時白雲來往  
往如鎔銀可以洗心耳使我無埃塵君年六十  
餘久與湖山鄰日玩易屢歆茲意恐未申余有  
隱淪交扁舟去無因往篇有深意為君再三陳

贈竹洲館陸道士

竹館多涼氣白日自森閑疎響落鳴瓊稠陰委  
繁翠寶書時復開青鳥還能使聊欣山色舉超

然有冥寄

送顧舜祥授四川鹽課提舉之任二首

繁林雖翳蒼擢幹衆乃形願君茂前基奕奕隆  
雋聲酌言汰浮說立行表冲情殊方眷明德祇  
役出郊坰嶢峽睇梁岷迢遞越荆衡叱馭馳九  
阪竦體入青冥心與日月懸迤隨烟霧并皇猷  
亮已著義峻身始輕豈恡遐怪極焉睹耳目驚  
遠績苟辭勞何以希令名

梁岷西南秀嶻嶭一何尊已極天地險鬱為五

岳根谷神嶺相吞鳥道雲孤翻三回巴江盡七  
盤勢彌屯始悟去人遠反喜城市喧地偏氣益

奇四賢復高騫

四賢漢嚴遵司馬相如楊雄  
王褒梁鮑照有蜀四賢詩

均

託盛明朝遺烈炳璵璠矧茲割據跡興衰互明  
昏其事雖已往當時劇崩奔倘協訪古情無聆  
他日言

送王元肅

閒居懷長戚寢瘵彌十旬與子猶比屋蓄念曾  
未申念隔長依依瞻言及茲春往駕邁不留談

慰遊無因悠悠越大河去我提颺塵曠然增遠  
索思德彌以新世務無期度歡適將何辰盡意  
豈在言聊用叙慙

送句容周明府遷南京大理評事

周侯蘊美度不隨俗浮沉翩翩垂天翼乃棲枳  
棘林屈己遂弘化衆知惠愛淡飛鳧憩華陽清  
機開道心鳴絃致精賞山水諧竒音行高不終  
躋夷路微在今願言茂遠績芳風播謠吟

送梁伯龍游天台將往武夷

嘗觀興公賦冥搜恣遐躅天開赤城標曠然豁  
心自瓊臺望朱闌相連入雲族松聲湧波濤遙  
瞻但空濛石屏莓苔滑此山勢莫窮改轍復南  
行名山當武夷碧嶂爭峭崿秀色明廻谿丹宮  
仙人古却紆武帝祠子有超世情興言懼鬢變  
竦身事冥搜逍遙釋常戀余亦秉傲尚每懷巖  
壑竒守見苦未弘棲遲遂淹時何時拂衣去與  
子諧幽期